

上海中醫藥大學圖書館藏珍本古籍叢刊

素問鈔補正
二

上海中醫藥大學圖書館藏珍本古籍叢刊

素問鈔補正二

〔明〕丁璣撰

復旦大學出版社

圖書在版編目 (CIP) 數據

素問鈔補正：全二冊 / 《上海中醫藥大學圖書館藏珍本古籍叢刊》

編纂工作委員會編；段逸山主編。——上海：復旦大學出版社，2018.1

(上海中醫藥大學圖書館藏珍本古籍叢刊)

ISBN 978-7-309-13546-7

I. 素… II. ①上…②段… III. 《素問》—研究 IV. R221.1

中國版本圖書館CIP數據核字 (2018) 第025435號

素問鈔補正〔明〕丁璣撰

《上海中醫藥大學圖書館藏珍本古籍叢刊》

編纂工作委員會編 段逸山 主編

出版發行

復旦大學出版社

上海市國權路五七九號 郵編：200433

八六—二一—六五六四二八五七 (門市零售)

八六—二一—六五—一八八五三 (團體訂購)

八六—二一—六五—一〇九一四三 (外埠郵購)

fupnet@fudanpress.com <http://www.fudanpress.com>

責任編輯 賀琦

印刷 江蘇金壇古籍印刷廠

版次 二〇一八年一月第一版第一次印刷

書號 ISBN 978-7-309-13546-6/R · 1673
定價 肆佰陸拾圓 (全二冊)

如有印裝質量問題，請向復旦大學出版社有限公司出版部調換。
版權所有 侵權必究

本朝鈔補正卷之六

論治

滑云干戈甲冑以公室亂也禮樂教化治治也矢醴糜街公室疾也具論治

黃帝問曰醫之治病也一病而治各不同皆愈何也岐伯

對曰地勢使然也故東方之城天地之所始生也魚鹽之

地海濱傍水其民食魚而嗜鹹皆安其處美其食魚者使

人熱中腫署勝血故其民皆黑色疎理

○疎理

其病皆

為癰瘍其治宜砭石故砭石者亦從東方來西方者金玉

之域沙石之處天地之所牧引也其民陵居而多風水土

剛強其民不衣而褐薦其民華食而脂肥故邪不能傷其

形體其病生於內其治宜毒藥故毒藥者亦從西方來陵

居謂居高處也不衣謂不衣布也褐薦以褐為薦也脂肥体厚故宜毒藥也北方者天地所閉

藏之域也其地高陵居風寒冰冽其民樂野處上而乳食

藏寒生滿病其治宜灸熇滑云中滿者瀉之於內此之謂也故灸熇者亦

從北方來南方者天地所長養陽之所盛處也其地下水

土弱霧露之所聚也其民嗜酸而食胘食胘言食不羣香也故其民

皆緻理而赤色皮理細也其病攣痺其治宜微鍼故九鍼

者亦從南方來中央者其地平以濕天地所以生萬物也

衆其民食雜而不勞故其病多痿厥寒熱其治宜導引按

蹻道引謂搖筋骨動肢節按謂抑按皮肉蹻謂捷牽手足故導引按蹻者亦從中央

出也故聖人襍合以治各得其所宜故治所以異而病皆

愈者得病之情知治之大體也

與法方宜論

○善治者治皮毛

其次治肌膚其次治筋脈其次治六腑其次治五臟治五

臟者半死半生也

滑云非謂醫家謂病家也○陰陽應象大論

○病之始起也

可刺而已其盛可待衰而已故因其輕而揚之因其重而

減之因其衰而彰之形不足者溫之以氣精不足者補之

以味

滑云溫存也氣味謂飲食藥餌之氣味也

其高者因而越之其下者引而

竭之中滿者瀉之於內其有邪者瀉形以為汗其在皮者

汗而發之

滑云二汗字一義瀉字輕發字重

其標悍者按而收之其寒者

散而瀉之審其陰陽以別柔剛陽病治陰陰病治陽定其

血氣各守其鄉血實宜決之氣虛宜掣引之

掣讀為導○陰陽應象大

聲套

論

○岐伯曰夫上古作湯液故為而弗服也中古之世道

德稍衰邪氣時至服之萬全當今之世必齊毒藥攻其中

銕石針艾治其外也帝曰形弊血盡而功不立者何岐伯

曰神不使也曰何謂神不使曰鍼石道也言神氣衰少不能使鍼石之妙

也精神不進志意不治故病不可愈今精壞神去榮衛不

可復收何者嗜欲無窮而憂患不止清氣弛壞榮泣音衛

除故神去之而病不愈也湯液醪醴論○岐伯曰中古之治病

至而治之湯液十日以去八風五痺之病十日不已治以

草蘇草莢之枝本末為助標本已得邪氣乃服蘇實也莢根也枝莖

也本末即根枝莖葉也暮世之治病也則不然治不本四時不知日

月不審逆從病形已成乃欲微針治其外湯液治其內粗

工兇兇以為可攻故病未愈新病復起

移精變氣論

○帝曰合

人形以法四時五行而治何如而從何如而逆岐伯曰五

行者金木水火土也更

平声下同

貴更賤以知死生以決成敗

而定五藏之氣間甚之時死生之期也肝主春足厥陰少

陽主治其日甲乙肝苦急

氣有餘也

急食甘以緩之心主夏手

少陰太陽主治其日丙丁心苦緩

氣虛也

急食酸以收之脾

主長夏足太陰陽明主治其日戊己脾苦濕急食苦以燥

之肺主秋手太陰陽明主治其日庚辛肺苦氣上逆急食

苦以瀉之腎主冬足少陰太陽主治其日壬癸腎苦燥急

食辛以潤之開腠理致津液通氣也滑云此一句九病在

肝愈於夏木病畏金遇夏火王夏不愈甚於秋火衰金復

同秋不死持於冬肝木生旺之起於春自得其位禁當

風肝病者平旦慧下晡甚夜半靜本王之時故爽慧金王

故靜退餘慧甚肝欲散急食辛以散之用辛補之酸瀉之

同其靜小異病在心愈在長夏長夏不愈甚於冬冬

不死持於春起於夏禁溫食熱衣心病者日中慧夜半靜

平旦靜心欲軟急食鹹以軟之用鹹補之甘瀉之病在脾

愈於秋秋不愈甚於春春不死持於夏起於長夏禁溫食

飽食濕地濡衣脾病者日昃慧昃音迭日出甚下晡靜脾

欲緩急食甘以緩之用苦瀉之甘補之病在肺愈於冬冬
不愈甚於夏夏不死持於長夏起於秋禁寒飲食寒衣肺
病者下晡慧日中甚夜半靜肺欲收急食酸以收之用酸
補之辛瀉之病在腎愈在春春不愈甚於長夏長夏不死
持於秋起於冬禁犯焮焮音碎焮煩熱也熱食溫炙衣腎病者夜
半慧四季甚下晡靜腎欲堅急食苦以堅之用苦補之鹹
瀉之夫邪氣之客於身也以勝相加至其所生而愈已所生也
至其所不勝而甚尅已也至其所生而持生已也自得其位而
起居王必先定五藏之脈乃可言間甚之時死生之期也
起處也

○間甚之時謂問藏之脈如春見肺脈
夏見腎脈之類是也○藏象法時論

○形樂志苦病生

於脈治之以灸刺

形樂謂不甚勞役志苦謂結慮深思不甚勞役則筋骨平調結慮深思則榮衛

垂痞氣血不順故病生於脈

形樂志樂病生於肉治之以鍼石

悅懌則肉理相比氣道滿填衛氣弗結故病生於肉

形苦志樂病生於筋治之以熨

引謂過勞則傷筋熨謂導引

形苦志苦病生於咽嗑治之以百藥

肝氣并於脾肝與胆合嗑為之使故病生焉甲乙經百作廿

形數驚恐經絡不通病生

於不仁治之以按摩醪藥

驚則脈氣係恐則神不收醪藥謂酒藥也不仁謂不應其用則

痺痺也○血氣形志論

○帝曰其有不從毫毛生而五藏陽以竭也

滑云陽當作傷昔人固疑之矣然詳下文只當作陽

津液充郭其魄獨居精孤於內

氣耗於外形不可與衣相保此四極急而動中是氣拒於

內而形施於外治之奈何

不從毫毛言生于內也郭皮也腎為水害子不救毋故云其臬

獨居也夫陰精損削於內陽氣耗減於外則三焦閉滯
道不通水滿皮膚身體否腫故云形不可與衣相保也
極四肢也勞動四肢則氣鼓動於肺中也肺動者氣急而
炊也是皆水氣格拒於腹膜之內浮腫極張於身形之外
也岐伯曰平治權衡則謂察脈浮沉也浮為表沉為裏則瀉之去宛陳莖謂

積久之水物如草莖是以微動四極溫衣溫其肌微動四文

氣漸次宣行乃繆刺其處以復其形經脈盛則絡脈溢絡

使形容復舊開鬼門是啓玄府遣氣也○以邪皆

而不腫也○淨府膀胱也精以時服五陽已布踈條五藏故精自生

形自盛骨肉相保巨氣乃平言五精之氣以時賓服此承

正氣皆平復也○帝曰凡治病察其形氣色澤脈之盛衰

病之新故乃治之無後其時形氣相得謂之可治色澤以

浮謂之易已。脈後四時謂之可治。脈弱以滑是有胃氣。命

曰易治。取之以時。當以四時而為療。氣相失謂之難治。色

夭不澤謂之難已。脈實以堅謂之益甚。堅實邪氣盛也。脈逆四時

謂不可治。必察四難以明告之。四難即上四句也。所謂逆四時者

春得肺脈。夏得腎脈。秋得心脈。冬得脾脈。其至皆懸絕沉

瀋者。命曰逆四時。未有藏形於春夏而脈沉瀋。秋冬而脈

浮大。名曰逆四時也。王机真藏論○風者百病之長也。今風寒

客於人。使人毫毛畢直。皮膚閉而為熱。當是之時可汗而

發也。或痺不仁。腫痛。當是之時可湯熨及火灸刺而去之。

弗治病入舍於肺。名曰肺痺。發欬上氣。弗治肺即傳而行。

之肝病名曰肝痺一名曰厥脇痛出食

食入復出也

當是之時

可按着刺耳弗治肝傳之脾病名曰脾風發瘰腹中熱煩

心出黃

○出黃小便黃色也

當此之時可按可藥可浴弗治脾傳之

腎病名曰疝瘕小腹冤熱而痛出白一名曰蠱

出白濁也

當此之時可按可藥弗治腎傳之心病筋脈相引而急病

名曰癰當此之時可灸可藥弗治滿十日法當死腎因傳

之心心即復反傳而行之肺發寒熱法當三歲死

滑云三歲當作

三日夫以肺病而來各傳所勝至腎傳心法當十日死心復傳肺正所謂一歲不復耳受傷惡可延至三歲乎然期之淺深又不可此病之次也然其卒發者不必以於傳或以刻舟求劍也

其傳化有不以次不以次入者憂恐悲喜怒令不得以其

肝病

心病

次故令人有大病矣因而喜大虛則腎氣乘矣喜則心氣

氣不守故怒則肝氣乘矣怒則氣逆故悲則肺氣乘矣悲

腎氣乘之肺氣移於肝肝氣肝氣乘脾受邪故肺氣乘之悲則腎氣移於心腎憂

則心氣乘矣憂則肝氣移於脾肝此其道也故病有五五

五二十五變反其傳化五藏相并而各有五五而乘之則

傳而不次傳乘之名也五藏論○肝病者兩脇下痛引小

腹令人善怒虛則目眩眩無所見耳無所聞善恐如人將

捕之取其經厥陰與少陽氣逆則頭痛耳聾不聰頰腫取

血者脇中血滿獨異於常乃氣逆心病者胸中痛脇支滿

脇下痛膺背肩胛間痛兩臂內痛虛則胸腹大脇下與腰

脾病

肺病

腎病

相引而痛取其經少陰太陽舌下血者其變病刺郄中血

者

郄在掌後脈中去腕半寸當小指之後

脾病者身重善肌肉痿足不收行

善癢脚下痛虛則腹滿腸鳴飧泄食不化取其經太陰陽

明少陰血者肺病者喘欬逆氣肩背痛汗出尻陰股膝髀

喘肘足皆痛

邪盛則心液外泄故汗出也肺病則腎脈受邪故尻陰至足皆痛

虛則少氣

不能報息耳聾嗑乾取其經太陰足太陽之外厥陰內血

者

足太陽外厥陰內者則少陰脈也

腎病者腹大胫腫喘欬身重寢汗出

憎風虛則胸中痛大腹少腹痛清厥意不樂取其經少陰

太陽血者

藏象法時論

○帝曰夫子數言熱中消中不可服高

梁芳草石藥石藥發癰芳草發狂

多飲數溲謂之熱中多食數溲謂之消中多喜

曰癩多怒曰狂夫熱中消中者皆富貴人也今禁膏粱是不合其

心禁芳草石藥是病不愈顏間其說岐伯曰夫芳草之氣

美石藥之氣悍二者其氣急疾堅勁故非緩心和人不可

以服此二者帝曰不可以服此二者何以然曰夫熱氣慄

悍藥氣亦然二者相遇恐內傷脾胃脾者土也而惡木服此

藥者至甲乙日更論至甲乙日脾病之增減也○腹中論○帝曰天不足西

北左寒而右涼地不滿東南右熱而左溫其故何也面巽言也

岐伯曰陰陽之氣高下之理大小之異也大小謂陰陽二氣盛衰之異

東南方陽也陽者其精降於下故右熱而左溫西北方陰

也陰者其精奉於上故左寒而右涼是以地有高下氣有